

Introduziun dl proiet “Europeana Newspapers”

The Hague, ai 26 de jügn 2012



N grup de 17 istituziuns-partner europeiches s'à metü adöm tl cheder dl proiet “Europeana Newspapers” por mëte a desposiziun ti proscimi trëi agn passa 18 miliuns de plates de folieç digitalisà tres le portal cultural europeich online Europeana. Europeana é n punt de azès unich por rovè pro miliuns de libri, depënc, films, plates da gramofonn archiviades y esponaç de museums digitalisà abinà adöm da dōta l'Europa.

Le proiet vëgn sostignì dala Comisciun Europeica tl cheder dl program “Competitiveness and Innovation Framework Program 2007-2013” y mira a mëte adöm y miorè le contignü de folieç digitalisà tres *The European Library*.

Vigni biblioteca che tol pert al proiet metarà a desposiziun folieç y tesç digitalisà a na moda che ai pois gnì adorà tres le portal Europeana. Le fin dl proiet é chël de fà a na manira che le contignü di folieç pois gnì adorè diretamënter dales porsones interessades tres na maschera de coliamënt (interface) speziala tl browser. Chësc gnarà integrè tl portal Europeana y darà la poscibilitè da chirì frases o parores singoles contignüdes ti tesç di folieç. Chësc é sambëgn cotan damì co les funziuns d'archirida standard ti catalogs dles biblioteches olache al é de regola ma poscibl da chirì don ite la data o le titul.

Le proiet ti va adincuntra a sfidades liades al laür cun folieç digitalisà sciöche Optical Character Recognition (OCR), Optical Layout Recognition (OLR), la partiziun de articui y le reconescimënt dles plates y Named Entity Recognition (NER). OCR é la converjiun eletronica de imajes scansionades de test scrit a man, a mascinn o stampè te n test zifré a mascinn. OLR à da nen fà cun le reconescimënt y la spartiziun de articui sön na plata scansionada cun plü co un n articul. NER ciara da localisé unitès de funziun tl test y da les classifiché aladò de inoms standard de porsones, posç y organisaziuns.

Le proiet valutarà incè la cualité dles technologies por miorè les copies digitales y trasformè i metadaç locai tl format standard EDM (Europeana Data Model) en colaboraziun cun porsones interessades dl setur publich y privat.

Le proiet “Europeana Newspapers” vëgn coordiné dala Bibiloteca statale de Berlin – Fondaziun Patrimone cultural prussian. Vai do al prozedimënt dl proiet “Europeana Newspapers” sön www.europeana-newspapers.eu. Por de plü informaziuns contatèia präibel Hans-Jörg Lieder o Thorsten Siegmann dla Biblioteca statale de Berlin a chësta misciun e-mail: info@europeana-newspapers.eu.

Partner dl proiet:

Biblioteca statale de Berlin
Biblioteca nazionale dl'Estonia
Università de Helsinki, Biblioteca nazionale dla Finlandia
Biblioteca nazionale dla Francia
CCS Content Conversion Specialists GmbH
Biblioteca nazionale dla Letonia
Università de Belgrad
Biblioteca provinciala “Dr. Friedrich Teßmann”
Università de Salford

Biblioteca nazionale di Païsc Basc
Biblioteca nazionale dl'Austria
Biblioteca statale y universitara de Hamburg
Biblioteca nazionale dla Polonia
LIBER Foundation
Biblioteca nazionale dla Turchia
Università de Desproch
Biblioteca nazionale dl Rëgn Uni
The European Library

Europeana dit en cört

Europeana é na racoiüda plurilinga online de miliuns de elemënc digitalisà da museums, biblioteches, archifs y coleziuns audiovisuales dl'Europa. Te chësc momënt dà Europeana la poscibilitè da ti podèi pormez a 23 miliuns de libri, films, depënc, esponaç de museums y documënc archivà da presciapüch 2200 proponënc da dōta l'Europa.

www.europeana.eu

The Europeana Newspapers project is partially funded under the ICT Policy Support Programme (ICT PSP, http://ec.europa.eu/ict_psp) as part of the Competitiveness and Innovation Framework Programme by the European Community. This document reflects only authors' views. The EC is not liable for any use that may be done of the information contained therein.

